

# ALKOHOLPOLITISK HANDLINGSPLAN

for Kvinnherad kommune i perioden 2020-2024

Vedtøken i kommunestyret 14.05.2020  
Revidert kommunestyret 25.11.2021



KVINNHERAD  
K O M M U N E

## REGLAR FOR SALS- OG SKJENKELØYVE

1. Generelt .....	3
2. Løyveperioden.....	3
3. Salsløyve.....	3
4. Skjenkeløyve.....	4
4.1 Faste skjenkeløyve .....	4
4.2 Einskilde skjenkeløyve.....	4
4.3 Ambulerande skjenkeløyve .....	5
5. Handsaming av søknadar .....	5
6. Kurs.....	5
7. Kontroll og sanksjonar .....	6

## 1. Generelt

---

Formålet med alkoholloverket er å «begrense i størst mulig utstrekning de samfunnsmessige og individuelle skader som alkoholbruk kan innebære. Som et ledd i dette sikter loven på å begrense forbruket av alkoholholdige drikkevarer.» jf. alkohollova (al.) § 1-1.

Handlingsplanen gjeld for inneverande valperiode 2020-2024, og skal vera retningsgjevande for handsaming av sals- og skjenkeløyve i denne perioden. Kommunane sitt løyve- og kontrollmynde er eit svært effektivt verkemiddel for å redusera alkoholforbruket og alkoholrelaterte skadar. Alkohollova gjev kommunen stor fridom til å utforma sin eigen alkoholpolitikk.

All handsaming av søknadar skal skje i samsvar med handlingsplanen, alkohollova og tilhøyrande forskrift. Sakshandsamar må ha kunnskap om det aktuelle regelverket til ei kvar tid for å sikra at:

- Handlingsplanen vert følgd.
- Søkjar oppfyller lovkrav.
- Kommunen har oversikt over bevillingshavarar.
- Innbyggjarane får god og korrekt vegleiing.
- Brot vert møtt med sanksjonar.
- Kommunen har eit godt samarbeid med politi, helse og sosiale tenester, SLT-koordinator og næringa sjølv.

For å oppfylla formålet med alkohollova er det viktig at kommunen utøver stor grad av skjøn ved søknadshandsaminga, kontrollutøvinga og eventuell løyveinndraging. Kommunen kan mellom anna leggja vekt på tal skjenkestader, type skjenkestad, plassering av skjenkestader, målgruppe, orden og andre tilhøve knytt til lokalmiljøet.

Ved handsaming av søknadar om faste løyve for sal- og skjenking av alkohol skal det leggast vekt på uttalar frå politiet, helse- og sosialtenesta og SLT-koordinator.

Det kan stillast vilkår for løyva i samsvar med alkohollova og tilhøyrande forskrift.

Reglane i alkohollova og tilhøyrande forskrift skal leggast til grunn dersom ikkje anna er bestemt i handlingsplanen.

## 2. Løyveperioden

---

Faste kommunale løyve vert gitt for 4 år, med opphøyr seinast 30. september året etter at nytt kommunestyre tiltrer.

Perioden for ambulerande og einskilde løyve skal stå i løyve.

## 3. Salsløyve

---

Alkohollova § 1-4 fyrste avsnitt definerer sal som «overdragelse av alkoholholdig drikk til forbruker mot vederlag for drikking utenfor salgsstedet.»

Salsløyve for alkoholhaldig drikk med høgst 4,7 vol.% skal som hovudregel berre tildelast daglegvarebutikkar, nettbutikkar og gardsbutikkar som har mikrobryggeri.

Det er omsetnaden av vareutvalet som avgjer om staden skal reknast som daglegvarebutikk eller kiosk/bensinstasjon, ikkje vareutvalet i hyllene.

Det kan gjerast unntak frå denne regelen i heilt spesielle tilfelle.

Lovlege salstider:

- Kvardagar kl.08.00 – 20.00
- Dagar før søn- og heilagdag kl. 08.00 – 18.00.
- Dagen før Kristi himmelfartsdag kl. 08.00 – 20.00.

Løyvehavar bestemmer si eiga salstid innanfor salstidene ovanfor.

Styrar og reservestyrrar må ha bestått kunnskapsprøve i alkohollova.

## 4. Skjenkeløyve

Alkohollova § 1-4 andre avsnitt definerer skjenking som «salg for drikking på stedet. Som skjenking regnes det også når bevillingshaver vet om at det drikkes i deler av hans hus som han har rådighet over, eller på andre steder i hans besittelse, eller på husets nærmeste tilliggelser.»

Lovlege skjenketider:

- Frå kl. 12.00 til 01.30 for alkoholhaldig drikk under 22 vol.% alkohol.
- Frå kl. 13.00 til 01.30 for alkoholhaldig drikk over 22 vol.% alkohol.

Det kan ikkje søkast om utvida skjenketid.

Ved tildeling av løyve til skjenking utandørs skal det takast omsyn til naboar, offentleg ro og orden, og nærleik til sjø og trafikk. Det kan vedtakast kortare skjenketid utandørs. Det skal vere tydeleg avgrensa skjenkeområde for utandørs skjenking.

Melding om skjenkeløyve skal sendast til skjenkekontrollen og politiet.

### 4.1 Faste skjenkeløyve

Faste skjenkeløyve kan tildelast hotell, restaurantar, kafear, pubar, barar og selskapslokale.

Kultur-/kinosalar kan få fast skjenkeløyve på følgjande vilkår: Skjenking kan kun føregå på arrangement som er retta mot eit vakse publikum, med 18 års aldersgrense

Styrar og reservestyrrar må ha godkjent kunnskapsprøve i alkohollova. Styrrar må også ha godkjent etablerarprøve.

### 4.2 Einskilde skjenkeløyve

Eit einskild skjenkeløyve gjeld arrangement som er opne for publikum, til dømes dans eller festivalar. Løyvet er tidsavgrensa og knytt til det konkrete arrangementet.

For eit einskild skjenkeløyve vert det berre gjeve løyve for alkoholhaldig drikk med høgst 22 vol.%.

Søknadar som gjeld arrangement med meir enn 100 deltakarar eller som er retta mot ungdommar skal sendast til politi, branntilsyn og SLT-koordinator for uttale.

Ansvarleg for løyvet må vera over 20 år. Skjenkeløyvet er personleg og kan ikkje overdragast til andre. "Krav og plikter for den skjenkeansvarlege ved ambulerande/einskildøyve" skal liggja ved løyvebrevet.

Gebyr for einskild skjenkeløyve:

- Arrangement der forventa tal deltakarar er frå 0 til 99 personar: kr. 600,-.
- Arrangement der forventa tal deltakarar er frå 100 til 199 personar: kr. 1500,-
- Arrangement der forventa tal deltakarar er meir enn 200 personar: kr. 3000,-

Ved søknad om løyve skal det gjevast opp kor mange personar arrangøren forventar. Rekning for gebyr vert sendt ut på bakgrunn av dette. Dersom kontroll syner at det er fleire personar enn gjeve opp i søknad, vert det sendt restkrav etter ny sats.

Dersom arrangementet vert avlyst må det betalast eit sakshandsamingsgebyr lik gebyr for ambulerande skjenkeløyve (kr.380,-).

### 4.3 Ambulerande skjenkeløyve

Ambulerande skjenkeløyve skal berre gjevast til lukka lag som bryllaup, jubileum og liknande arrangement i private eller offentlege lokale. Ambulerande skjenkeløyve kan ikkje gjevast til arrangement i kommunale skulebygg, med unntak av Mauranger skule og Åkra skule. Det kan gjevast opp til 3 ambulerande skjenkeløyve per dag.

Ansvarleg for løyvet må vera over 20 år. Skjenkeløyvet er personleg og kan ikkje overdragast til andre. "Krav og plikter for den skjenkeansvarlege ved ambulerande/einskildøyve" skal liggja ved løyvebrevet.

Gebyr for ambulerande skjenkeløyve:

Gebyret vert sett lik satsen i alkoholforskrifta. Per 2020 er gebyret kr. 380,-

## 5. Handsaming av søknadar

Administrasjonen har delegert mynde til å avgjera søknadar om:

- Ambulerande løyve jf. al. § 4-5
- Sals- og skjenkeløyve ved einskildhøve jf. al. § 1-7
- Godkjenning av styrar og reservestyrrar jf. al. § 1-7c.
- Utviding av skjenkelokale ved einskildhøve jf. al. § 4-2 fjerde avsnitt.
- Utviding av faste skjenkeløyve til å gjelda sterkare alkoholhaldig drikk (alkohol gruppe 3) ved einskildhøve

Alle andre søknadar skal avgjerast av formannskapet etter uttale frå politiet, skatteoppkrevjaren, helse- og sosialsektoren og SLT-koordinator.

## 6. Kurs

For faste sals- og skjenkeløyve skal alle som har oppgåver knytt til alkoholsal og vakthald på skjenkestaden gjennomgå opplæring i alkoholhandtering. Kommunen arrangerer kurs i alkoholhandtering. Kurset kan også

nyttast for å oppfylle pålegg i internforskrifta om opplæringsplan. Kurset skal arrangerast 1 gong pr. år og vera sjølvfinansierende. Festivalar og einskilde arrangement med sal av alkoholhaldig drikke, som vert arrangert årleg, skal også gjennomgå denne opplæringa.

## 7. Kontroll og sanksjonar

Kommunen skal kontrollera sals- og skjenkeløyve i samsvar med alkohollova. Det skal kvart år gjennomførast tre gonger så mange kontrollar som tal sals- og skjenkestader.

Brot på alkoholoverket eller vilkår i løyvet medfører prikktildeling etter alkoholforskrifta kapittel 10. Dersom ein løyvehavar har fått 12 prikkar i løpet av to år skal kommunestyret inndra løyvet ei veke. Dersom det vert tildelt meir enn 12 prikkar skal lengda på inndraginga aukast tilsvarende.

### Oversikt over prikkfordeling.

#### 8 prikkar

- Sal, utlevering eller skjenking til person under 18 år.
- Brot på bistandsplikta
- Brot på kravet om forsvarleg drift
- Hindring av kommunal kontroll

#### 4 prikkar

- Sal og skjenking til openbart rusa person
- Brot på tidsføresegnene.
- Skjenking av alkoholhaldig drikk over 22 vol.% til person på 18 eller 19 år.
- Brot på alderskravet til den som sel eller skjenkar alkohol

#### 2 prikkar

- Openbart rusa person i lokalet
- Manglar ved internkontrollen
- Manglande levering av omsettingsoppgåva innan fristen
- Manglande betaling av gebyr for løyve.
- Brot på krav om styrar og reservestyrar
- Gjenteke narkotikaomsetnad på skjenkestaden
- Gjenteke diskriminering

#### 1 prikk

- Brot på kravet om alkoholfrie alternativ
- Brot på reglane om skjenkemengde
- Konsum av medbrakt alkohol
- Gjester tar alkohol ut av skjenkelokalet
- Brot på krav om plassering av alkohol på salsstaden
- Brot på vilkår i løyvevedtaket
- Brot på reklameforbodet
- Andre brot som vert omfatta av alkohollova § 1-8 fyrste avsnitt.